

續行水金鑑

地710

2254-2

部5:59

續行水金鑑卷第一百十四

運河水

章牘四十二



嘉慶十四年十二月初五日奉

上諭吳璥等奏回空漕船敲冰行走一摺本年邳宿運河水淺糧船行走遲滯節節凍阻皆由上游微湖蓄水短絀馬慧裕不能先事豫籌所致已降旨將馬慧裕降為三品頂戴矣現在回空渡黃船僅有四十八幫未渡幫船尙多究竟計算必能歸次者可得若干幫其饋行不及者約有若干幫日內天氣回和該河督等督率道將府縣竭力敲冰催饋總期多渡一幫少受一幫之累但時日已迫其不能歸次者旗丁等應如何安撫不致

續行水金鑑卷一百十四

運河水

滋事新漕應如何設法不致誤兌該漕督尤當豫籌經理仍遵前旨將辦理情形五日具奏一次不得遷延觀望頻以雖遲不誤虛辭搪塞也

南河成案續編

是月初七日奉

上諭吳邦慶奏查看湖河水勢並體訪漕船空重行走情形一摺據稱請疏通湖河以廣運河來源嚴查堵塞妄洩以厚湖河瀦蓄並嚴按誌椿湖板啟閉定則俾得樽節微湖蓄水以及幫船起剝令其先起土宜次起食米仍難行走再為剝運正米其重船入東境時請派就近道府分段駐催俾需用夫船呼應較靈兼可彈壓夫衆稽查吏役需索等事俱能切中情弊其所稱疏通湖

河嚴令湖版啟閉幫船起剝各事宜皆舊例所經議及者惟日久玩生致弊端叢出著陳鳳翔吉綸照摺內所指各情節實力查辦無稍疎懈至請就近酌派道府分段駐催亦著該督撫等於來年卽行遵辦以期運河通暢重空幫船進行無阻此爲至要

運河  
道冊

是日陳鳳翔奏東省運河爲全漕經由要道隄堰不固誠恐奪溜誤漕閘版不嚴每致糧艘遲滯臣到濟寧後於催漕之便親詣各工查看逐段登記與運河道商酌必須籌辦方爲有濟查隄工每年有歲加五寸土之例年年遵照妥辦一經幫船來往拖犁打槩風雨剝削仍然殘缺且歲修五寸之土祇能加高隄

續行水金鑑卷百十四

運河水二

頂而隄身單薄並未培厚臣沿隄詳看寬者尙有丈餘窄者不過三五尺儻湖河異漲在在可危必須擇緊要之處酌量幫培以衛運道至兩岸民堰向係地方官派令民修臣仍移咨撫臣嚴飭沿河各州縣率領民夫辦理又聞河水勢全賴閘版整齊俾資停蓄向來額設版塊正閘每座設版十二及十六十八二十餘塊不等單閘涵洞設版或四或六至八塊不等逐處詳查其版半屬剝朽殘缺每遇水小幫船過閘卽須倒版蓄水方可進行而閘版不能整齊河水必致漏洩水勢不能擡高遂致船行遲滯一幫停阻於前則各幫稽延於後必須將剝朽閘版多換數塊以

資啟閉於漕務實有裨益臣查各閘年例准換三四塊而臨清甌版閘有換至七八塊不等者每塊例價銀二兩於歲報案內報銷向發閘官承辦近來價值較昂微員無力賠墊不過潦草塞責殊非核實辦公之道嗣後閘版每年著廳員購買按照閘槽尺寸如式成造由運河道查明臣再親驗儻不足數或雜以舊版卽核實嚴參查各閘舊版太多不能一律嚴密除照例抽換仍入歲報案內報銷擬每年再添換新版二三塊則各閘水不走洩而幫船自可順利如蒙俞允臣卽飭運河道樽節估計再行詳繕清單恭呈御覽所有幫培隄工增換版塊銀兩毋庸另請錢糧於

運河道庫節省八束項下動支興辦工竣題銷奉

上諭陳鳳翔奏運河隄堰單薄應行擇要幫培各閘版艸朽酌量添換一摺運河兩岸隄身單薄並未培厚儻湖河異漲在在可危自應擇要酌量幫培閘河水勢全賴閘版收蓄近來舊版太多不能嚴密蓄水自需急爲添換用資啟閉著陳鳳翔卽飭運河道樽節估計所需銀兩准於運河道庫節省八束項下動支興修核實報

銷運河  
道冊

是月十一日陳鳳翔吉綸奏准軍機大臣字寄奉

上諭

已恭載  
初七日

欽此伏思巡漕臣吳邦慶所奏各條疏通湖河以廣來源查禁堵築以裕湖漕按照誌椿以嚴

啟閉酌量起剝以利遘行此皆舊例所經議及誠如  
聖諭切中情弊惟日久玩生致弊端叢出惟有循照所  
指情節實力查辦而按照誌椿啟閉湖水一條最爲  
緊要年來收束湖水不符定誌今歲夏秋缺雨短絀  
尤甚湖水現存四尺九寸自韓莊至臺莊八十餘里  
勢雖建瓴而河槽深通尙可停蓄一入江境河面較  
寬地勢平衍中無河槽則水無歸束以八閘一尺之  
水遞至江境祇有二三寸必須將邳宿一帶河槽挑  
挖深通庶重運回空不致膠淺向來東南兩省定議  
黃林莊誌椿鋪水以五尺爲度啟放湖水時兩省委  
員在彼丈量尺寸糧艘北上儘可暢行近照舊誌鋪

水而南糧頭進甫入江境卽虞阻淺是河底淤高之  
明驗若不啟版接濟糧艘又窒礙難行殊不知微湖  
水無來源務宜擷節爲江廣重船經臨之用前定章  
程實係通盤籌畫爲全漕之計今祇顧目前一經淺  
阻卽移咨啟版以有限之水供無窮之用前旣耗費  
則後難增添所以重運回空均爲遲滯也查江境地  
勢旣高兼形淤墊邳宿一帶若不挑濬河槽卽湖水  
充盈難期順暢愚昧之見在山東則蓄水爲先在南  
河則挑河爲急東境若不蓄水雖挑挖河底難利遘  
行江境若不挑河雖湖水充盈亦形淺滯此二者係  
漕運關鍵利害相因者也至派委道府專駐彈壓儻

催向亦分派員弁俟來年察看遲速情形臨時添派舉凡有利於漕運者卽隨時整飭有礙於漕運者亟爲剔除至本年回空因天寒凍阻行走遲滯臣派委道將等節節嚴催仰賴

皇上洪福瑞雪載霑天氣和暖安慶後尾幫於十二日催過黃林莊所有回空船隻九十九幫全數僨出東境至山東小米幫船可以趕出臨清閘者數十隻餘均停泊水小無工處所並不有礙挑工

運河道冊

是月十八日奉

上諭吳邦慶等奏東省王母山等處河道已通南糧回空可以無誤歸次一摺覽奏稍慰江境窳灣一帶現在

續行水金鑑卷百十四

運河水

五

冰凌雖已打通但下游水勢未免微弱如有須湖水接濟之處自當酌啟微山湖閘版放水浮送來春重運經臨東省各處閘河尤應預爲儲蓄以資暢利所有嶧汛八閘滕汛十字河及分水口迤南塘長各河工程著陳鳳翔吉綸於應行先挑之工派員按段簽訂誌椿及時趕辦其蘇家山引黃濟運之處更當妥速籌辦俾湖水充足源源引注以期無誤來年新運此爲至要

河渠志稿

是月二十二日陳鳳翔吉綸吳邦慶奏准軍機大臣

字寄十八日欽奉

上諭一道正在會摺覆奏又於本日接十九日

上諭陳鳳翔吉綸吳邦慶奏酌定堵築汶河微山湖口

大壩日期並籌畫漕運湖漕事宜各一摺據稱回空幫船計日全出東境若煞壩太遲則湖內不能收水定於十二日先築汶河大壩又微湖現存水四尺九寸蘇家山閘引渠業已開工須嚴閉湖口閘板方可引水歸湖擬於十六日堵築湖口壩惟回空尾幫未過江境河清閘一堵必致膠舟請敕下江南河臣迅速催償以便剋期築壩收蓄湖水趕辦挑工等語本年漕船回空已遲現在東省急於築壩蓄水而江境仍須上游湖水接濟方能浮送兩處均關緊要該河督及該督撫等所辦本係一事切不可存此疆彼界之見昨吳邦慶等曾奏稱計至十二月二十以外回空尾幫方能全過匯澤閘吳

邦慶前摺亦有查探江境如必須接濟仍俟接准漕臣知會再酌量啟板今若於十六日築壩則以後江境未過閘之船豈不又形膠滯而東境蓄水之期亦未便久逾停待總在該河督等和衷共濟通盤籌算務期兩無貽誤現在江境未渡各船暫資湖水遞送究竟何日可以全數出閘其吳邦慶所奏先挑滕汛十字河堵閉西灣壩啟放雙減閘仍由湖口放水接濟江南之處是否兩不相礙均著妥籌速辦具奏其蘇家山引渠業已興挑築壩後務將湖水收足以待新漕北上欽此查本年幫船回空本遲於十二月十二日全數始出東境臣等已慮及江境凍淺必須微湖接濟庶可銜尾南下

當經委員赴審灣與江南河臣酌商再築湖口閘壩  
總期於回空船隻不致有礙前於具奏挑工摺內聲  
明斷不敢稍分畛域查湖口閘板十四塊現剩水板  
二塊臣陳鳳翔已札致漕臣如江境淺滯再將水板  
酌啟然須冰凌鑿出河槽幫船始可行走否則徒耗  
湖水轉增冰厚現查湖水外達已屬有限而江境河  
道縣長復飭泖河廳在韓莊迤北之西灣橫築土壩  
攔截十字河及修永閘之水盡入微湖畧可增益湖  
濬仍由湖口閘下注以資江境遞送無礙挑工臨清  
迤南韓莊迤北歲修工程現已次第興工惟八閘內  
挑工尙須敞板停待俟查明江境情形再堵湖口閘

壩挑挖遲至新正開工設法加倍人夫搶辦亦不致  
有誤南漕至蘇家山引渠業已完竣工程尙無偷減  
俟湖口閘堵築後再行放水裕湖爲來年重運之用

運河  
道冊

是月吉綸奏臣前准河臣咨照奏開蘇家山閘引黃  
增蓄湖水業已奉

旨准行其挑挖舊河並開引渠等項工用在東省藩庫  
內撥銀八萬兩臣卽飭藩司朱錫爵委員解工茲於  
初七日奉

諭旨微湖蓄水不敷止可啟放蘇家山閘爲一時權宜  
之計於黃水下注微山湖處所酌量增設閘板使淤沙



到此停留不致全行入湖欽此臣跪讀之下曷勝欽佩  
所有應挑趙王等河除札飭運河兗沂二道詳勘核  
估外仍飭該二道等會看情形此外有無引水濟運  
之處詳細查議俟覆到卽與河臣會商具奏

運河  
道冊

是月陳鳳翔吳邦慶奏臣等准江南副總河徐端來  
信連日天氣稍和匯澤閘上各幫放行頗爲順利尾  
幫全出東境後微湖口且緩閉板煞壩等語查湖口  
閘壩來年重運攸關若太遲延則不能收水是以擬  
於十六日堵閉今江境通順計日可抵楊莊自應再  
緩數日俾資接濟遲至二十日必須照例堵築以蓄

湖水似難再延

運河  
道冊

續行水金鑑卷二百十四

運河水  
八

嘉慶十五年正月初二日陳鳳翔奏東境臺莊八閘挑  
工必須堵築湖口壩方可興挑上年因河道凍阻節  
節敲冰而在後湖北三幫船身笨重挽至江境河定  
閘內又復淺滯臣卽飭泃河同知將所剩閘板全行  
啟除以資接濟昨准副總河臣徐端漕臣馬慧裕來  
信尾幫約新正初二三日可以全過三灣屬緩至初  
四日堵壩臣查南糧尾幫旣可於初二三日全過三  
灣則湖口閘壩初四日卽可堵合第恐三灣或有淺  
滯堵合後再爲啟放更覺遲延莫若再停二三日俾  
湖水足資遞送一過三灣以下皆係深塘無虞阻淺  
茲擇於初七日堵築湖壩較上年雖遲月餘臣已飭

各州縣工員三倍加夫趕辦不誤新漕其築壩料土人夫已廣爲豫備一晝夜即可竣工臣復令運河道徐國楠會同徐州道張鼎驗收引渠工程並河東委用之呂昌會於初八日開放蘇家山閘引水歸湖務使新運經臨湖水充盈河槽通暢糧艘連檣北上

運河

道冊

二月初五日奉

上諭據松筠等奏蘇家山閘業於正月十五日啟壩放水引黃入湖原係一時權宜之計現在黃水未經漲發尙不甚濁自可趁此多收入湖但微山湖內存水祇以敷用爲度松筠等卽飭知該管道員等留心察驗一俟

續行水金鑑卷百十四

運河水

九

湖水收蓄足數卽上緊將閘壩口門堵閉不可使過水太多至有夾沙淤墊之患方爲妥善

河渠志稿

是月初九日吳璫徐端奏山陽狀元墩堵築壩工上年十月因回空漕船緊要而運水尙旺恐堵閉後隄工或有疏虞欲速反遲是以奏明暫留口門五丈以資減洩俟回空過竣水勢畧消再行堵閉迨十一月初旬後嚴寒冰凍流澌擁注金門刷跌加深兩壩埽工形蟄當飭掌壩文武各員加鑲追壓防護平穩自正月初旬後土脈漸融回空全過口門臣等督同原任藩司楊護淮揚道葉觀潮飭將備廳汛等將二壩進築以資擎托其正壩臨河一面加鑲邊埽層層盤

護然後進占收窄金門於二月初七日寅時將正二壩同時掛纜合龍追壓至酉刻斷流閉氣臣松筠前赴京口於初七日過狀元墩工次詳看甚爲穩固壩下漫水漸涸查行水金鑑載柳園頭上下舊有涵洞甚多湮廢百餘年無從考其基地臣等商酌卽就二壩接築越堰以爲重門保障庶防守周密所有上年回空江西湖南北安徽等軍船先於正月二十七日全數出江赴次其浙江在後幫船於京口開壩後經巡漕臣程國仁押催渡江南行至本年重運江北淮安二大河前兩幫渡黃後揚州二三等幫亦跟接過淮渡黃現在河口清黃交匯處黃水旋長旋消湖水雖連前共落二尺五寸尙高於黃數寸敵黃外注船行無礙計大江以南新運各幫將次渡江北來現飭徐州道張鼎將邳宿運河挑工剋日趕竣如式深通以備東省鋪水下注催令幫船北上應俟上游開壩通行後再將重運渡黃情形遵

旨按十日一次具奏

南河成案續編

是月十一日吳邦慶奏臣查糧船重運回空上年均爲遲滯其故由於到壩交卸亦由江境邳宿河道淺阻前經給事中趙佩湘奏請挑挖邳宿運河奉

旨交江南河臣查辦據奏邳宿運河向多古淺嘉慶十一年因徐州大谷山石壩過水甚大淤墊較厚時因

道里縣長勢難將淤沙盡行挑除於十二三等年擇要估挑俟回空過竣卽逐細估計僭挑以備重運經臨等語是邳宿運河旣積年淤墊又道里縣長必須一律挑挖深通庶空重糧船行走方無淺阻然非時日稍寬卽加倍雇夫趕辦究患限於地勢急難措手查山東運河挑工定例以八十日爲限本年興工稍遲加三倍雇夫趕作四十餘日始能竣事恐江境運河趕緊挑挖非月餘不能完工查江南河臣奏稱邳宿運河應挑工段限二月中旬一律完竣臣屢經差探並據廳員稟稱江境現未興工前於正月二十六日據前漕臣馬慧裕咨淮安大河兩幫於正月十四日過淮當催渡黃於桃源縣等處守候邳宿運河挑工竣事卽爲北上揚州二三等幫亦俱催其跟接俱經奏明旋又探知首二兩幫已於二十六日渡黃揚州二三等幫亦跟接渡黃現今計期俱在桃源一帶停候臣恐邳宿等處承辦挑工人員見船隻停待慮其久稽致干遲誤以限期促迫爲詞草率偷減遲報完工在頭進船身入水較輕且當工竣鋪水水溜暢旺或可勉強浮送至二三進等船勢必磨淺起剝是大挑工程仍屬有名無實臣查節年船入東境舊案總無連檣直進之時或脫空四五日至十許日者甚多且上年二三進等船回次較遲修艙受兌有需時

日是今年頭進諸幫卽行走稍緩亦無遞壓後幫之患查康熙十六年前河臣靳輔因江南運河大挑請寬糧船過淮限期於五月中全數過淮七月中旬盡行催過臨清並無遲誤今頭進頭幫於三月中旬挽入邳宿運河較節年尙未甚晚臣請

旨飭江南河臣嚴飭邳宿運河挑工人員趕緊雇夫興工酌寬限期俾免藉口於停待幫船苟簡從事務符原估尺寸俟一律深通後知會東河啟放湖壩照誌椿鋪水以資浮送雖頭進稍爲守候而以後河深水足二三進均可跟舫直進免致磨淺起剝必能按期到壩將來回空船隻亦可迅速歸次不致如上年淺

凍再黃林莊誌椿前奏請照舊制以中泓水深五尺爲度業經奉

旨交山東河臣撫臣照辦今江南河臣咨會以誌椿不足爲據應於鋪水時將下游鋪足五尺再行簽釘誌椿又稱湖水挾沙下注卽挑濬深通每爲流沙停滯此後遇重船沙阻應量啟湖板浮送等語臣查誌椿原係兩省公定使東省不得吝惜湖水致下游淺阻江境亦不得恃有湖水而不認真挑挖立法至當故可久行至各進幫船到境查照向例微山湖口所留漫板水尺寸俾足浮送惟在邳宿一帶挑深與東境臺莊下河槽一律相平自無貽誤若輕事更張誠恐

兩省廳員通融接濟任意啟放耗洩致湖水先盈後  
絀於漕船空重行走關係匪小臣卽咨會山東江南  
河臣仍照舊制俟工竣鋪水時先訂誌椿再行鋪水  
其漫板水請亦照向例辦理無庸更議以期湖水漕  
船兩有裨益

運河  
道冊

是月十五日奉

上諭吳璣等奏狀元墩壩工合龍穩固浙江漕船全進  
京口南下俟重運北來隨時籌備各情形一摺山陽狀  
元墩現既堵築合龍工程穩固而河口黃水旋長旋消  
湖水尙高黃水數寸敵黃外注足利船行浙江在後各  
幫全行南下新運各幫亦卽次第渡江北來所有邳宿

續行水金鑑卷一百十四

運河水 三

運河挑工攸關緊要該督等務飭該道將剋日趕辦一  
律深通以備東省鋪水下注俾催備各幫得無遲礙仍  
將重運渡黃情形比較上屆備渡日期船數遵照前降  
諭旨按十日具奏一次至應修埽壩各工及黃運中河  
一帶隄工應須培築並盱堰輒石各工掣卸處在在均  
須防護不可不及時籌辦並著該督等詳查督催務於  
桃汛以前擇要趕修用資保障

南河成  
案續編

是月十七日奉

上諭本月初五日據松筠等奏現飭將邳宿運河趕緊  
挑挖勒限二月中旬如式完竣等語乃本日披閱吳邦  
慶十一日所發之摺據稱屢次差探江境尙未興工可

見前奏不實邳宿一帶淤墊已甚豈數日挑挖卽可竣事又據吳邦慶奏接據南河咨會以黃林莊誌椿不足爲據應於鋪水時先將下游鋪足五尺再行簽釘誌椿並此後遇重船沙阻應量啟湖板浮送等語此不過豫爲邳宿一帶淺阻地步黃林誌椿自應於工竣鋪水之時先行簽訂再爲如式鋪水其漫板水誌亦應查照向例辦理在東境不得吝惜湖水以致下游淺阻江境亦不得恃有湖水而不認真挑挖專欲藉湖水鋪注之力殊不思湖水挾沙下注如河身淤墊不除則將來高仰日甚况現在微湖水不充裕焉能恃爲不竭之源吳璣徐端著傳旨嚴行申飭本年幫船開行稍緩渡黃停泊

者不過數幫尙不致遞有積壓之慮正可趁此時認真挑挖寧可稍假時日總期一律深通則後來各幫不致磨淺阻滯如此次申諭之後仍不認真辦理將來重運或有淺阻惟該督等是問其釘椿啟板等事照舊制辦理以杜兩省推諉之弊

運河道冊

是月二十日奉

上諭本日恩長奏查明引沁助衛濟運勢有難行一摺所論甚是松筠向來讀書泥古往往不顧事之難行輕率陳奏經朕屢次訓諭而情性未改此次簡任兩江總督尙未到任在途翻閱舊書輒以沁水引入衛河可以濟運亦不與總河商榷卽以己見入奏朕披閱時卽覺

其事窒礙仍交河東總督河南巡撫詳查咨訪前日陳鳳翔已奏稱斷不可行本日恩長覆奏之摺亦甚詳悉沁水入衛本無舊路不但武涉一帶沙底稀鬆難於建築開壩且沁水盛漲之際一經開放勢若建瓴設或黃流衝決則衛輝懷慶一帶各州縣民田廬墓均被淹浸其貽害又豈忍言自臨清至韓莊閘計有六七百里斷不能逆流南向是不能助衛以濟南漕轉致引沙以阻北運松筠於地勢南北高下何以全然不知運道民生所關非細設如所奏辦理豈不大有貽誤此事本當加以懲處念其究爲急公起見姑予寬免嗣後松筠於應辦要件惟當慎重熟思周諮博採不執偏見勿泥前聞

於經理庶務方有成效若再將此等窒礙難行事率爾具奏則不能寬其咎矣

河渠志稿

是日吳璣徐端奏淮揚運河數年來河底日見淤高隄身日形卑薄幾存一綫上年欽遵

諭旨興修培築漸有眉目惟道里縣長勢難同時徧及仍係擇要幫培忽於二月十九日據工員稟報山陽平橋汛三鋪東岸土名瓦廟地方於是日子刻舊隄陡蟄過水搶護無及臣等聞報甚爲駭異查該處隄工上年春因舊隄身尙非至窄之處先估加高本年復令添估幫寬加高正在興工雖近日水旺溜急亦何至突然坐蟄况有工員人夫在彼工作何以不能



搶護隨即馳赴細查因年久舊隄所估新戩尙未幫成過水時已值深夜運河水面高於隄內灘地一丈二三尺勢實建瓴但該工員試用通判孫齡現駐該處辦工未能覺察又不竭力搶護當將該員擥摘頂戴並將辦工兵役柳責查量漫塌口門寬三十餘丈溜勢湧注金門水深七八九尺至一丈二尺所幸正河上年挑後經清水刷深尙未斷流平橋鎮以下至揚河廳交界止正河仍深四五六七尺不等惟相近口門以下數里內水僅二尺上下恐口門過水愈多則附近口門正河愈淺有礙船行當率道將等漏夜運料雇覓捆鑲船隻卽於二十日趕緊先盤裹頭不

使再有塌寬多派幹員購料剋日進占將口門先行收窄俾水勢多歸正河漕船仍得順速前進再將壩工相機盤築定期合龍其漫口旁注之水東下二十里至南北溪河歸馬家蕩由涇河入射陽湖歸海現又差探如皆由湖蕩下注尙堪容納其漫口以下附近村莊尙少據該府縣查無被傷人口居民多已搬至隄頂高阜搭棚棲止臣等當飭該府縣攜帶錢文饜餅多爲散給不致失所至此次隄身蟄陷實爲意想不到除該管道將廳營文武汛員及協防地方官疏防各職名應照例題參並於工竣後核明所用銀數與臣等照例分賠至承辦隄工之試用通判孫齡

雖工未幫成但親駐該處應留心防守轉非廳營汛員現派他處工段未及趕到搶護者可比請旨將孫齡革職以爲工員疏忽者戒臣等總司河務未能豫防周密實屬庸憤無能仰懇

聖恩交部嚴加議處以示懲儆至督臣松筠甫經到任現赴京口籌催重運未及會銜合并陳明 又奏此次三鋪東岸漫口旣非汛漲普漫又無風雨臣等勘查較之狀元墩因舊涵洞塌陷者更不可解恐人心叵測或竟有盜決傾陷情事惟細思本管廳汛等及承辦工員諒無自害之理或不肖微弁奸民希冀生工牟利或近來錢糧查駁嚴緊並辦工怠玩斥革者

多挾恨傾害雖揆之於理斷不應有而奸徒險詐百出難保必無現飭該府縣等設法訪查並派妥幹親屬偵訪兼之密詢被災民人有無風聞如果有奸徒挾恨傾陷等情一經得實立即緝拏嚴辦

南河成案續編

是月二十六日吳璫徐端奏裏河平橋汛三鋪舊隄陡螿過水查該處運道所關尤須趕緊籌辦以免停待卽於二十日督率道將漏夜運料先做裏頭盤護不使塌寬並行知下游如有重運暫於深水處停泊以免淺擱三鋪缺口內塘甚低是以水勢建瓴而下正河之水更易消落口門以南平橋以上一千餘丈之內始猶存水二尺上下旋又消退至淺處僅存六

七寸現今商酌至淺段落無多必須趕挑尙易爲力當卽派員兩頭熬壩星夜集夫抽挑限月內完竣平橋以下至揚河廳境存水尙深間有淺處亦派員會同廳營抽挑剋期可竣一面將壩工鑲埽進占收窄口門先通漕運現在盤護兩壩裏頭並於臨河一面鑲築邊埽護住裏頭一帶隄身隨於南壩口門先進一占北壩亦跨船進築並於上下水跟鑲邊埽雁翅以資穩固計三月初口門卽可收至十丈以內其時正河抽溝工完卽可啟壩使水勢多歸正河早通船隻上紓

宵旰至被水災民督臣松筠已派員攜帶銀錢撫卹不

致失所

南河成案續編

是日吳璫徐端奏十七日奉

上諭

前已恭載

欽此查邳宿運河因上游山水漲發挾沙下

注每年水過沙留不免淺澁嘉慶十一年秋黃水異漲銅沛蘇家山石滾壩衝塌黃水入運較大王母山至河成閘一帶積淤更厚經前河臣戴均元抽挑先濟回空十二年正月臣徐端會同戴均元奏明大挑亦祇將河槽挑深其兩灘淤沙寬闊勢難全行啟除是年秋汛大谷山石壩又復過水入運停淤是冬又經擇要挑挖迨十三年冬查勘河槽比十二年較深尺許未經估挑查是年重運尾幫係五月三十日出

境上年係六月二十六日出境較十二年八月初七  
日出境之期爲早每年重運耽遲皆在河口而不在  
邳宿惟本年微湖存水無多來源旣弱自應挑挖加  
深以利重運上年十一月欽奉

諭旨令臣等履勘僂挑時值回空漕船凍阻冰凌凝結  
無從勘估當經奏明俟回空過竣估辦嗣於本年正  
月初十日回空尾幫全過宿遷卽飭道將確查河底  
深淺以定應挑尺寸旋據稟稱量驗河形底水並查  
歷年鋪水尺寸計長河水深五尺卽敷漕船行走東  
省鋪水向有三尺八九寸源源下注按河底現存水  
深一尺二三寸以上鋪水後卽敷五尺之數可毋庸

估挑其水深不及一尺二三寸及河底乾涸高於水  
面者分別估挑以水深五尺足敷加行爲度如上下  
水深中間淤淺卽酌量估挑庶節錢糧而杜混冒臣  
等查道將等所估雖實但往年鋪水後東省隨時亮  
板源源宣濟是以江境水可敷用今微湖存水未裕  
恐難寬爲接濟復令將原估應挑及未經估挑之處  
俱加挑一尺以免臨時周章據該道將稟報連原估  
及加深一尺共需銀五萬八千餘兩攔水各壩需銀  
五千九百餘兩又改挑河成閘越河並疏通臺莊閘  
下可風橋支河共估土方銀一萬三千餘兩並據稟  
邳宿河面寬闊非東省閘座鉗束可比各古淺處仍

應將歷年原做束水挑水等壩加鑲添築始可擎蓄  
刷沙共估銀一萬五千餘兩臣等卽發銀派員分段  
集夫僱辦於二月初六七八等日開工惟挑挖長河  
先須煞壩戽乾底水方可插鍬畧有先後東漕臣吳  
邦慶查時或係水深不挑及插鍬在後之處誤疑全  
未興辦亦未可定查向來運河挑工章程總以挑去  
淤沙見河底老土爲度若過於挑深而來源水止此  
數則水隨地落河底雖低河面未長且湖瀦僅存數  
尺之水恐下游過深掣水過急一洩無餘上游轉致  
淺涸至築壩擎束從前河底較深時亦所不廢緣東  
省自臨清至臺莊共閘四十九座節節啟閉江南邳

宿境內縣長二百餘里祇有五閘啟閉河身旣寬閘  
座又少與東省閘河迥異必須相機築壩方能收束  
臣等固不敢吝惜誤公亦不敢多糜無益之費惟有  
挑河築壩相資爲用庶水不過耗卽東省八閘亦得  
擎蓄之益至舊制黃林莊設立誌椿原以杜兩省推  
諉之弊前因誌椿易於挪動復於河清閘石牆上用  
紅油劃記彼此不能挪移亦係兩省公同看定現遵  
諭旨黃林莊誌椿照舊辦理俟鋪水後並將河清閘石  
牆劃記兩省委員驗明與黃林莊誌椿比較總以水  
深五尺爲度儻不及五尺應否酌加漫板臨時請  
旨遵行本年幫船開行稍緩誠如

聖諭渡黃停泊不過數幫不致有遞積之虞所有邳宿  
估工據報於二月二十一二等日次第完工其加深  
一尺段落已加夫儼辦限三月初五日全竣臣等驗  
明再行知會東河啟壩鋪水惟有恪遵

聖訓趁此時挑挖稍假時日務期一律深通仍與河東  
河臣陳鳳翔山東巡漕臣吳邦慶上下通盤籌劑水  
勢以利運行總以濟運爲重斷不敢劃分疆界稍存

推諉之見

南河成案續編

是月二十七日奉

上諭吳璥等奏山陽縣平橋汛三鋪東岸土隄漫塌現  
在趕緊搶築並查參誤工各員一摺狀元墩漫口堵合

續行水金鑑卷百十四

運河水三

未久乃二月十九日山陽縣瓦廟地方東岸舊隄忽有  
漫溢之事實出意外此時漫塌口門寬至三十餘丈溜  
注金門水深七八尺至一丈二尺不等雖正河尙未斷  
流但附近口門已形淺落當此漕艘連檣北上於運道  
大有關係吳璥等當督率道將撥運料物限旬日內將  
口門堵合無誤漕運所有在工員弁兵丁失於防守搶  
護非尋常疏虞可比該隄漫口之時旣非汛漲普漫連  
日又無風雨實情理所不應有或竟有不肖微弁奸民  
希冀生工牟利及因近來錢糧查駁過嚴挾嫌傾陷情  
事均不可知該河督奏及於此自必已有所聞不可不  
嚴查重加懲辦松筠現駐鎮江一帶著馳赴淮安會同

吳璫等密飭員弁逐細偵訪如果有奸徒希冀牟利挾恨傾陷等情卽行緝拏於審明後一面奏聞一面在河干正法以昭炯戒其辦工兵役吳璫等現已枷責至承辦工段試用通判孫齡僅予革職不足蔽辜並著枷號示儆如有別情尙應重辦卽無別項情節將來工竣疏枷後仍應革職吳璫徐端俱著交部嚴加議處

南河成案續編

三月初二日奉

上諭吳璫等奏儻辦三鋪缺口情形一摺平橋三鋪口門三月初旬卽行收窄使水歸正河重船可以挽運此固甚善但口門能早堵合則正河水勢益見充盈船行更可迅速吳璫等當督率工員趕辦愈速愈妙俟糧艘

續行水金鑑卷二十四

運河水

三

通行仍遵前旨十日一奏至此該工坐墊過水旣無風雨又非汛漲吳璫等曾疑有盜決情事本日摺內何以並無一字提及今三鋪缺口旣易施工則目前漫溢自係有人偷挖此而不嚴密查辦將來大汛經臨設有奸人亦欲生工牟利所關匪細著吳璫等訪察據實奏聞不可回護又另摺奏稱邳宿運河現已加深挑挖惟分段集夫插鋤畧有先後吳邦慶查時或係水深不挑及插鋤在後之處亦未可定並稱微湖存水未能充裕恐下游過深掣水過急一洩無餘上游轉致淺涸等語尙不免支飾推諉東境湖水如果儲蓄不多未能敷用咎在東省儻因邳宿一帶淤阻豈得以湖水未充藉口

况該巡漕差探江境時豈適值水深段落及插歛在後處所俱未興工此言殊不可信該河督等惟當嚴飭委員趕緊疏挑一律深通不日糧艘經行設邳宿一帶仍有淺阻則惟該河督等是問又另摺奏查明另案新生埽工實在情形河工修防事宜每於歲修外又有搶修並准遵例價開報如果認真經理則另案工程日少一日何以年來未見大減恐承辦工員不免浮冒仍著查照工部奏定章程將新舊埽工起止段落劃清界限並飭工員各發天良於歲搶修各工核實辦理毋任偷減儻現在修防未經報明淤閉之工旋因舊埽空虛沈陷蟄塌另案奏報者卽將所需銀兩著落該道廳等官分

賠庶工員等無從影射滋弊其十三年各項工程卽飭趕緊報銷勿再延緩以致牽混

運河道冊

是月十一日松筠吳璈徐端奏平橋三鋪漫口關係運道現當重運緊要尤以船隻通行爲急臣吳璈徐端調撥料物錢糧督率道將上緊進占並將缺口以南至平橋一帶正河淺涸之處漏夜挑挖卽令原任藩司楊護督催其迤下揚河廳境亦間段抽挑於二月初七八等日次第完竣漫口壩工亦已收窄金門僅寬八丈壩前水勢擡高初十日將挑河攔壩起除放水下注正河平橋一帶水長深七八九尺不等所有淺攔鎮江前幫漕船立時浮動挽過缺口北上隨



咨漕臣許兆椿巡漕臣程國仁將已渡江幫船速僱北行並行知大江以南催僱各員提催頭二三進幫船務俱銜尾來淮無誤期限臣徐端駐工督率盤築壩工察看壩下內塘過低金門水深二丈建瓴直下溜甚湧激須慎重辦理現趕築二壩以資擊托再相機合龍至三月初二日節交清明後黃河桃汛水長較量河口水誌計高湖水八寸倒漾入運清黃交匯處現水深二尺臣松筠親駐河口督率副將及廳營等調派船兵用鐵篋往來疏爬隨時築壩逼溜刷泓並赴楊莊察看中河水向深通黃林莊開壩後可期暢順復與臣吳璥酌商運口蓋壩尙應接長三壩再行

續行水金鑑卷一百四

運河水

十四

收窄現亦派員趕辦務期湖水多出清口重運遶行所有先經過淮之鎮江後幫業已渡黃其現挽過三鋪之船及後跟幫船一俟漕臣盤驗後卽僱催出閘渡黃遵

旨按十日一次具奏不任稍緩再隄工坐蟄時旣無風雨又非汛漲深恐奸民劣弁偷挖傾陷希冀牟利等事旬餘以來多方偵訪民間雖有猜疑並無實據無憑根究臣松筠馳抵工次詢訪附近災民並訊問已革通判孫齡及在工夫役亦無踪跡該道府及廳縣等無不欲得甘心立懲奸宄如果竟有其事其人一得實跡卽行嚴辦斷不肯稍任懈縱

南河成案續編

是日松筠奏臣前奉

諭旨山陽縣三鋪土隄漫塌或竟有微弁奸民希冀生  
工牟利及挾嫌陷害情事松筠著會同偵訪緝拏審明  
正法欽此當卽奏明起程茲於二月初七日抵淮又奉  
諭旨刻下正當重運過淮設或正河淺阻所關匪細當  
會同吳璫等嚴飭工員限旬日堵閉不可稽緩仍將辦  
理情形據實奏聞以慰廛注欽此臣察看三鋪漫口前  
雖塌寬三十餘丈經河臣督飭道將漏夜僱築現在  
口門存寬八丈過水已有節制正河將次挑通三四  
日內放水南注卽可浮送重運仍將漫口慎重進占  
並接築二壩以期合龍此次漫水被淹之處尙少俱

續行水金鑑卷百四

運河水  
三五

已安撫並無失所查頭進江蘇糧艘據報渡江入運  
者八百五隻安徽浙江漕米俱已兌開江西幫船亦  
報二月二十九日頭幫開行自可循序前進至此次  
漫口如果有奸民劣弁私行偷挖實屬罪不容誅現  
於工次向徐端詢問據稱確無聞見藩司史積容安  
撫被水民人詳加體問亦無所見現在督同工員再  
加確訪一有實跡卽行審辦馳奏查南河黃運受病  
之由總因倒灌所致適接吳璫許兆椿來信連日黃  
水倒灌河口又形淺澀此時徐端督辦漫工吳璫於  
工次感寒回浦醫治臣現赴清江卽至河口率同諳

練人員相機疏導

南河成  
案續編

是月十四日奉

上諭松筠奏馳抵淮安確查三鋪漫口情形一摺覽奏俱悉三鋪漫口經吳璥等督率道將漏夜儻築現在口門祇存寬八丈過水可有節制正河亦將次挑通據稱三四日內即可放水南注浮送漕船但日內黃水又有倒漾河口淺澀恐漕船儻過三鋪後行抵該處又致捫口難行深爲廬念此時吳璥因感寒回浦想日來醫治就痊松筠當會同吳璥督率工員在清口相機疏導總使重運過黃無阻爲要徐端仍在三鋪堵築漫工剋期竣事並著松筠等將現辦情形隨時具奏至三鋪漫口雖查無盜挖確情但據革員孫齡供該處因積年增築

續行水金鑑卷百十四

運河水

三

項堰土性較鬆致不能抵禦該處頂堰計高水面若干尺係何年所築何人經手因何培築不堅致被衝決著松筠會同該河督等查明如係近年增築又不隨時培補高厚致倉猝貽誤卽將承辦之員據實參奏示儆

河南

成案  
續編

是月十七日奉

上諭松筠等奏平橋三鋪缺口金門收窄後水勢擡高現於初十日放水下注正河水長深七八九尺不等所有淺攔鎮江幫船二十四隻立時浮動挽過缺口此後渡江各幫自皆跟接前進該處已可通行惟清黃交匯處所水祇深二尺難資浮送而黃水尙復倒漾尤恐淤

墊當此南糧出口不可再有阻滯現在松筠在彼調派船兵多用鐵篋疏爬並與吳璫酌商將運口蓋壩接長收窄三壩以期湖水多出清口均當趕辦以收實效仍將糧船渡黃無誤情形先行奏聞至三鋪隄工無端坐墊實非情理伊等疑係地方百姓所爲轉恐未必地方百姓不過貪圖傭工現有海口大工何難赴彼傭趁所得又有幾何恐係不肖官弁向未派工無從沾潤生工牟利或平日辦工不妥曾被吳璫等懲處及與通判孫齡挾有夙嫌欲圖報復因而肆行不法此時雖無踪跡仍當密訪嚴查一經得實卽奏明嚴辦不可疏縱

南河成案

續編

續行水金鑑卷百十四

運河水

三

是日吳璫徐端陳鳳翔奏查蘇家山閘自正月十五日開放後由水綫河茅村河引至藺家山壩入湖雖曲折紆回而水勢暢達至三月十五日湖水連底水深有八尺九寸可敷重空船往來之用查嘉慶十二年微湖煞壩時祇存水八尺九寸十三年亦祇九尺現將蘇家山閘堵合湖水至九尺餘自可敷用再益以夏秋坡水更屬充盈臣等劄商於十五日先堵蘇家山閘壩俾黃水斷流俟水綫茅村兩河存水歸湖再將藺家山壩堵築前飭徐州道先購備料土運集工次並委呂昌會率領銅沛廳營妥辦再季家山柴壩放水後時形墊陷經呂昌會帶領銅沛廳晝夜搶

護並幫培後戲鑲做防風水勢不致旁洩臣陳鳳翔  
接據稟報卽委員往查係據實辦理所用工料無多  
均由江省彙入前案核實報銷

南河成案續編

是日陳鳳翔奏臣思蘇家山不閉則湖口大壩未便  
啟除時屆水長竊恐通氣掣動大溜遂致水色較渾  
現在江境挑工亦可完竣卽須啟壩鋪水濟運臣接  
據呂昌會稟稱已帶同銅沛廳營將蘇家山柴壩裏  
頭進占數日內卽可堵合

南河成案續編

是月十九日奉

上諭恩長奏籌辦挑濬趙王河上游之陶北河酌議動  
項歸款一摺陶北河界在直豫兩省之間爲趙王河上

續行水金鑑卷百四

運河水

三

游自應挑挖疏通以蓄坡水而資利濟現經陳鳳翔恩  
長查估豫省應辦工段並遴委工員協同地方官雇集  
民夫剋期興舉該督撫等務當督飭所屬上緊辦理以  
期妥速蕺事所有需用例幫兩項價銀一萬五千四百  
五十餘兩著照所議在於封邱蘭陽考城等縣地丁內  
分作八年攤徵歸款

河渠志稿

是日吳璫徐端奏淮揚運河河底本深隄工並不險  
重連年黃水倒灌淤高隄身汕刷日形卑薄節經擇  
要加培而新幫隄工沙土居多且春汛甫交水已盈  
滿處處均須防守一交大汎湖水入運必旺恐難容  
受自清江至淮安府城民居輻輳錢糧倉庫所關必

須預籌分減庶免泛漲之虞臣等檢查行水金鑑所載淮城迤南楊家廟柳園頭狀元墩一帶舊有涵洞五十座可見淮城至平橋上下向來本多宣洩之處爲預防湖漲地步現存兩岸涵洞無多且甚窄小僅能引水灌田不能洩減盛漲其餘已廢並無基址可考惟運口通濟閘以下有雙孔涵洞淮城迤南有興文閘又平橋以下涇河黃浦兩閘尙可分洩但各閘下溝渠久淤宣洩不暢上年六月湖水異漲不得已將柰家壩千根旗桿奏明開放洩水歸湖清江淮關淮城始得保全今涇河黃浦兩閘石牆損壞一時修砌不及祇可酌做鉗口草壩以備緩急此外必須另籌去路庶可分洩汎漲臣等與道將等商酌運口雙孔涵洞僅寬九尺六寸高五尺八寸洩水無多現將洞口折起加高四尺過水較暢洞下舊有引河通白馬湖業已淤平現今估挑兩岸築堰洩水歸湖以免漫淹民田則清江浦以上漲水稍可分減淮城以下祇有東岸興文閘難資宣洩查柳園頭之狀元墩前係涵洞洩水之處且在西岸隄內多係湖灘非東岸有礙田廬者比且距護城河不及三里若抽挑引渠兩岸築堰使洩水由河下注白馬湖儘足容納今酌做柴閘一座寬一丈二尺用厚板鋪底並用大木簽椿挖槽下板以備水勢大小隨時啟閉多此一路分

洩不特三鋪漫口堵閉後無虞著重卽淮城寶應一帶亦可藉減盛漲詢之官民衆議僉同現今道將擢節確估趕辦柴閘於閘下挑渠築堰俟今冬水落後察看情形改建石閘俾垂永久如此酌籌宣洩庶湖永漲盛使之循序下行隄工可免險重

南河成案續編

是月二十六日松筠吳璣徐端奏臣等欽奉

諭旨

已恭載十四日

欽此又奉

諭旨

已恭載十七日

欽此查三鋪漫口情弊多方密訪雖無盜

挖確據而革員孫齡所供積年增築堰頂土性較鬆情形誠如

聖諭必當確查堰頂高水面若干及築做年分經手人

續行水金鑑卷二百四

運河水三

員嚴辦臣等督同該道檢查冊檔從前裏河平橋一帶河底尙深隄身出水較高嘉慶十年十二年兩次擇要修築此段瓦廟隄工並未加培有案可稽迨十三年秋冬黃水倒灌河底淤高隄身卑矮當經搶加子堰抵禦至上年春曾估加高四尺六寸係已革裏河廳張文浩督率効用劉兆蘭承辦時因運口壘揚州南北兩岸幾及千里人夫錢糧不敷未及普律幫寬是以雖估加高仍未幫寬至本年正月復經臣吳璣徐端督飭淮揚道勘估幫寬派已革通判孫齡承辦該處甫在插夫動工忽於二月陡蟄過水臣吳璣等細看口門上下舊隄水痕尙高水面五寸統計舊

隄新堰共出水五尺六寸並未漫至上年新加子堰  
查上年五六月間河水較本年二月大至三四尺  
其時水浸新堰多日未見滲漏此卽前築尙堅之明  
驗此次三鋪墊塌水勢小於上年未及新堰其爲舊  
隄坐墊無疑至孫齡新幫之工雖未築成但不能先  
事查察實有應得之咎臣等不敢回護瞻徇現復遵  
旨詢問孫齡據稱平日尙無結怨之人不敢妄指至南  
河微末員弁誠屬賢愚不一近因工程繁多往往不  
敷派委幾無從未派工之人其隨時懲處弁兵甚多  
亦難稽考但此時雖訊無蹤跡仍當督飭道府嚴查  
密訪一經得實立即奏辦斷不稍任疏縱以期隄防

安謐再培築隄工原應全取膠土方可堅實臣等查  
裏河西岸以外自十三年奈家壩百子堂等工漫水  
所經淤沙甚厚膠土甚少其東岸靠隄多係田廬須  
隔河至對岸取土亦係淤沙其餘無民居之處膠泥  
亦甚難得是以不能不用沙土加礮築做若一律全  
用膠土則需用價平買民田豁除糧漕方能挖取且  
離隄數里十餘里不等計算方價較最多例價尙增  
數倍勢難辦理委係實情臣吳璣徐端現在酌飭工  
員擇有膠淤可取處不得以沙土攪雜卽遠路隔河  
稍遠酌增價值購辦其實在取土太遠或須用船至  
數里外裝運者卽於隄頂隄坡酌量包淤四尺將沙



土包裹在內一并加礮夯築務令融洽膠粘其臨河一面陡立不能幫築者鑲做防風埽段抵禦以免汕

刷之患

南河成案續編

是月二十八日陳鳳翔奏蘇家山柴壩三月十五日盤頭進占漸次收窄於十八日堵合當卽斷流其蘭家山壩俟湖口啟放後俾水綫茅村兩河清水儘數歸湖再將蘭壩堵築則湖水饒裕臣於二十六日回濟呂昌會亦自蘇家山回迎至途中據稱乘舟親至湖心測量可符舊誌查量湖口誌椿亦一丈有餘水不渾濁近年以來微湖緒蓄不能充盈至多不過九尺茲收至一丈以外重運回空足資浮送至上年係

續行水金鑑卷一百六

運河水 三

二月初九日開放湖口大壩今歲邳宿運河認真挑挖自需時日現已竣事攔水界壩亦已啟除所有東省大泛口搶工方可掣消積水工員晝夜搶辦運河道前往督催人夫器具早經豫備已於三月二十七日完竣茲臣會同巡漕臣吳邦慶謹擇四月初一日啟放湖水大壩兩省委員欽遵

諭旨先簽訂誌椿再爲如式鋪水照例以黃林莊誌椿水深五尺爲度雖開壩較上年遲至五十餘日而湖水充裕運道深通南糧進閘卽可連檣北上以閘內之迅速補閘外之遲延尙能依限抵通臣細察東省閘河濟寧迤南全藉微湖挹注濟寧迤北全藉蜀山

湖水接濟上年兩湖之水甚爲短絀臣謬膺重任到濟後焦急異常設法收蓄汶水歸入蜀山湖暫爲權宜之計仰賴

皇上洪福蜀山湖水勢充盈得此春雨透足泉源較旺微湖現又收水丈餘較往年有盈無絀而各閘已擇要抽換新板可以擎托水勢雖大泛口十字河分水口等處大汛期內發水不無沙積現又豫爲雇船一有停沙隨時撈辦不使稍有淤墊若渡黃糧船不致脫幫則臺莊至臨清可暢行無阻

運河道冊

四月初四日奉

上諭松筠等奏查明三鋪係舊隄滲水陡螿現籌幫築

續行水金鑑卷一百四

運河水

三

一摺該處漫口經松筠等多方察訪雖無盜挖確據仍當遵照前旨再行察訪至隄根單薄滲漏過水總由該河督平日於該處隄工僅議加高並未幫寬致事生倉猝不及防範况本年水勢小於上年並未浸及新堰可見實係舊隄不能堅固所致第恐不止三鋪一處爲然自應未雨綢繆早爲籌計著該督等派委妥員周歷巡查如有應行辦理處所先酌量幫寬務臻穩固至培築隄工沙性既不堅實若概用膠土需費甚多著照議於隄頂隄坡包淤四尺礮夯結實融洽膠粘毋得草率從事又奏漕船渡黃船數日期一摺本年三月渡黃重運船隻較上年既遲四十七日船數又少至四十幫實爲

遲延上年糧船行走較速猶經凍阻若本年重運如此  
遲延設不能全數趕抵通壩關係甚重伊等但云以速  
補遲究竟如何籌辦卽能無誤並未詳悉奏明著悉心  
經理設法挽運使幫船銜尾北來不致再有阻滯仍將  
如何籌辦緣由先行具奏

南河成案續編

是月初五日奉

上諭陳鳳翔奏堵築蘇家山閘壩啟放湖水大壩情形  
一摺所辦俱妥此時南糧各幫尙未入東境該河督務  
當督率工員先時籌備俾重運經臨足資浮送不可因  
湖水已大稍存疏忽除直隸江南兩省疏築事宜應責  
成各該省自行辦理外所有東省運河係陳鳳翔專管

續行水金鑑卷一百四

運河水

伊此次設法儻辦應行甄敘已交軍機大臣存記俟將  
來重運回空往來山東境內一無阻滯屆期再降恩旨

運河道冊

是月二十日吳璣徐端奏次第修復舊制 一運口  
惠濟正閘亟應拆修以資啟閉也查裏河運口至清  
江浦地方原設惠濟通濟福興清江等正越閘八座  
因建築年久閘牆欹側不能全行下板前於嘉慶九  
年冬間奏明分年拆修因各閘爲漕運必經之路未  
能同時拆砌嘉慶十一年先將惠濟越閘通濟正閘  
清江正越閘四座拆造完整在案現在重運漕船俱  
由惠濟越河行走其惠濟正閘一座經嘉慶十三年

湖水非常異漲衝激愈形損壞不能啟閉該處爲湖水入運最要關鍵臣等公同察看必應趕爲拆造修建如式與已修之越閘互相啟閉庶水勢節宣有制而漕運得資利便現飭淮揚道預爲勘估容臣等核定實需工料銀數再行奏請撥項先儘發辦其通濟越閘福興正越閘共三座應俟惠濟正閘辦竣次第興修以俾行舟通順

南河成案續編

五月初七日松筠吳璫許兆椿徐端奏截至四月三十日漕船渡黃數目並邳宿運河行走情形前經臣等馳奏茲據報邳宿一帶古淺處水勢尙敷浮送幫船銜尾挽行所有頭進尾後之淮安四幫共二十八

續行水金鑑卷一百四

運河水

幫於五月初三日俱僂出黃林莊境查上年二月十日啟壩鋪水頭進尾幫係四月十日出境今東省鋪水下注係三月二十九日而頭進各幫於五月初三日出境較在境行走日期尙爲僂緊其後跟之二進三十四幫臣等督催渡黃行走茲二進尾幫安徽池州幫亦於初七渡黃挽進楊莊運口查上年二進尾幫係四月十二日渡黃本年較遲二十五日臣松筠迎催三進江廣幫船行抵江口現已回至河口會同臣吳璫徐端料理起剝渡黃現在江廣各幫巡漕臣程國仁在瓜口揚州督催俟尾幫渡江卽親押來淮臣許兆椿提催盤驗並令起卸粗重貨物俾船輕僂

渡連日河口至淺處仍深二尺一二寸不等幫船起  
剝尙無阻滯臣松筠等欽遵

諭旨將所製梳淤鐵爬移於邳宿古淺處所往來疏濬  
俾幫船到彼不致多需起剝更可迅速進閘赴通

河南

成案  
續編

是月十四日陳鳳翔奏奉

上諭陳鳳翔奏南糧首幫業已僨出臨清長淮四等十  
八幫亦陸續挽入東境一摺內稱差探邳宿一帶緣有  
銅鉛船隻阻遏在前致糧船脫幫七日茲銅鉛船已挽  
進臺莊而長淮四及在後之鳳陽常州幫亦入東境自  
此接踵而來不致脫幫惟山泉尙未漲發汶源微弱全

續行水金鑑卷一百十四

運河水

三

賴啟放湖水以資浮送此則必當豫爲籌辦現在挽入  
東境各幫幸賴湖水暢旺可以催放遶行但須泉源以  
資酌劑若不妥速豫籌各幫船連艚抵境之時設有阻  
滯關係尤重其應如何疏濬收束汶水之處著及時妥  
辦毋稍遲誤欽此查山東運河自濟寧迤南本年微湖  
水足糧艘得以接踵而來每日按塘打放催僨嚴密  
不任停泊雖間有大風頂阻亦不致耽延連日濟寧  
天津閘每日過船二幫行走極利已入東境之四十  
餘幫接續北上未入東境者跟艚前進惟濟寧迤北  
全藉湖水浮送今汶水旣微幫船不能迅速臣接據  
廳汛稟報卽詣南旺分水口將蜀山湖利運閘啟板

暢放以資接濟查向來蜀山湖須江廣幫經臨然後  
啟放現在汶河微弱若俟泉源疏通多延時日且早  
久源微不能暢旺臣未敢拘泥惟有因時制宜先放  
湖水以利運行疏濬泉源以增湖濬則現在幫船不  
致稽遲卽三進重運及回空亦資挹注所有湖中收  
水各引渠均已挑挖深通俟山泉漲發卽可隨時收  
蓄臣愚昧之見黃河以備料爲先運河以收水爲要  
祇須循照舊轍次第整理則事半功倍實爲有濟查  
蜀山湖永定閘爲收蓄湖水第一要路較永定永泰  
各閘更爲便捷因淤塞已久未經挑挖所以年來湖  
水不足已飭運河道估辦此閘引渠一道則來年蜀

續行水金鑑卷一百十四

運河水

山湖水可期充裕

運河道冊